



ИШОНЧ

7



Ўзбекистон қасаба уюшмалари Федерациясининг ҳафталик газетаси

ВАЗИФАЛАР БЕЛГИЛАБ ОЛИНДИ

Тошкент вилояти қасаба уюшмалари кенгашининг мажлиси бўлиб ўтди. Унда вилоят қасаба уюшмалари кенгашининг раиси Д. Н. Жаҳонгирова "Ўзбекистон Республикаси Президенти И. А. Каримовнинг халқ депутатлари Тошкент вилояти кенгаши 21-чақириқ XIV сессиясида сўзлаган нутқи асосида қасаба уюшмалари олдида турган вазифалар тўғрисида" маъруза қилди.

Маъруза юзасидан музокарада сўзга чиққан давлат муассасалари ходимлари қасаба уюшмаси вилоят қўмитасининг раиси Л. Федорова, деҳқончилик-саноати мажмуи ходимлари қасаба уюшмаси вилоят қўмитасининг раиси К. Шодиметов, "Тадбиркор" банки вилоят бўлимининг бошқарувчиси К. Каримов, Пискент туманидаги "Ўзбекистон мустақиллиги" жамоа хўжалигининг фермери Қ. Қурбонов ва бошқалар бозор иқтисодиёти ва мулк шаклини ўзгартириш, эркин савдо бозорини ташкил этиш, жамоа шартномалари ва унинг бажарилишини таъминлаш, фуқароларга адресли ёрдам кўрсатиш, меҳнаткашлар соғлигини муҳофаза қилиш ва профилакторийлар ишини такомиллаштириш, меҳнат шароитларини яхшилаш ва хавфсизлигини таъминлаш юзасидан фикр юритиб, ўз таклиф ҳамда мулоҳазаларини билдирдилар.

Мажлисида Ўзбекистон қасаба уюшмалари Федерацияси кенгашининг раиси Х. Б. Жамолов, Тошкент вилояти ҳокимининг биринчи ўринбосари Э. М. Рўзиев нутқ сўзладилар.

Мажлисида кўрилган масала юзасидан тегишли қарор қабул қилинди. Мажлис ташкилий масалани ҳам кўриб чиқди. Бошқа республикага ишга кетганлиги муносабати билан ўз аризасига кўра ишдан бўшаган Ю. А. Хайдуrow ўрнига Тошкент вилояти қасаба уюшмалари кенгашида меҳнатни муҳофаза қилиш ва экология бўлимининг мудири вазифасида ишлаб келган Т. О. Ортиқов вилоят қасаба уюшмалари кенгаши раисининг ўринбосари этиб сайланди.

Б. ПУЛАТОВ.

ТАШКИЛИЙ МАСАЛА КЎРИЛДИ

НУКУСДА Қорақалпоғистон деҳқончилик саноати мажмуи ходимлари қасаба уюшмаси республика қўмитасининг мажлиси бўлди. Унда ташкилий масала кўрилиб қўмита раиси П. Қурбонов бошқа ишга ўтганлиги муносабати билан вазифасидан озод этилди. Чимбой тумани ҳокими бўлиб ишлаб келган Т. Нурлибоев қўмита раиси этиб сайланди.

Мажлисида Ўзбекистон қасаба уюшмалари Федерацияси кенгаши раисининг биринчи муовини, республика деҳқончилик саноати мажмуи ходимлари қасаба уюшмаси Марказий Қўмитаси раиси Т. Х. Собитов нутқ сўзлади.

«ОТАНГ БОЗОР, ОНАНГ БОЗОР»

ЎЗБЕКИСТОН Республикасида бозор иқтисодиётига ўтиш даврининг янги босқичи бошланиб кетди. Қадимдан иқтисодий жиҳатдан мушкулни енгилаётган, эл танитадиган, олис юртлардаги янгиликлардан боҳабар қиладиган, ҳамнингни бойитиб, биринги икки қиладиган ҳам бозор, деган нақл бор. Чойхоналарда, меҳмонизмондаги қизғин гурунг, гап-гаштаклар ҳам бозордаги вазият, нарх-наволардан бошланар, шунга қараб эрта-индинги кунлар аҳоли, турмуш иштиёжи қандай бўлишига баҳо берилар эди. Ҳозирги мураккаб даврни бошдан кечириляётган кунларда ҳам бозорнинг аҳамияти қанчалик катталиги ҳеч кимга сир эмас. Ана шу жиҳатдан Президентимиз Исро Абдуғаниевич Каримовнинг республикада иқтисодий амалга оширишни жадаллаш тўғрисидаги гапларининг «отанг бозор, онанг бозор» деб бошланиши бежиз эмас. Кунги кеча Тошкентдаги киночилар уйида бўлиб ўтган матбуот конференцияси ҳам худди ана шу масалага бағишланди. Ўзбекистон Республикаси ташқи ишлар

вазири Саидмухтор Саидқосимов бошлаб берган бу конференцияда хорижий мамлакатлар журналистлари ва Ўзбекистон матбуот вакиллари қатнашдилар. Ўзбекистон Республикаси Бош Вазирининг ўринбосарлари — ташқи иқтисодий алоқалар вазири Ўткир Султонов, молия вазири Бахтиёр Ҳамидов, Давлат мулкни бошқариш ва тадбиркорликни қўллаб-қуватлаш давлат қўмитаси раиси Виктор Чжен ҳамда "Ўзмилийбанк" раиси Рустам Азимов, президентнинг матбуот маркази бўйича котиби Мурод Муҳаммад Дўст юрт бошимизнинг шу йил 21 январда чиқарган "Иқтисодий ислохотларни янада чуқурлаштириш, хусусий мулк манфаатларини ҳимоя қилиш ва тадбиркорликни ривожлантириш чоратadbирлари тўғрисида"ги Фармонини шарҳлаб бердилар.

Хусусий мулкчиликни ривожлантиришни ва муҳофаза қилишни қатъий йўлга қўйишга қаратилган мазкур адолатпарвар ҳужжат қисқа муддат ичида жуда кўп мамлакатлар жамоатчилигининг диққатини

тортганлиги ва ниҳоятда зарур, долзарб масалаларни кўтариб чиққанлиги билан аҳамият қозonganлиги ҳам таъкидланди.

Республикада бозор иқтисодиётига ўтишда маъмуриятчилик, расмийчилик, худбинлик сингари ярамас иллатлар ҳамон ҳалал бераётганлиги, иқтисодий ислохот йўлидаги қарама-қаршиликлар, ортиқча ғов-тўсиқлардан қутилиш чораларини кўришга астойдил киришилганлигини ҳам нотиклар изоҳлаб ўтдилар. Шунингдек, фармон республикада фуқароларини чет элга чиқиш тартиблари бузилишига, бу борада содир бўляётган қанчадан-қанча овозгарчилик сарсонгарчиликлар, қоғозбозликларга чек қўйиш бўйича ислохот тарихида дадил қадамлар бошланганидан адолатдир.

Нуфузли иқтисодчилар, молия ходимлари, халқаро савдо ташкилотлари ва хорижий давлатлар элчионаларининг вакиллари иштирок этган мазкур конференция охирида журналистларнинг саволларига жавоб берилди.

"Ишонч"нинг махсус мухбири.



Қиш ғамини ез е, ез ғамини қиш, дейдилар. Фарғона вилоятининг "Бешариқ" туманидаги "Чевар" акционерлик жамияти жамоаси езги кийим-кечак тайёрлашни қизитиб юборганлар. Жамиятнинг бир юз эллик нафар чеварлари ўндан ортиқ турдаги маҳсулот ишлаб чиқаришни ўз зиммаларига олганлар.

Суратда: илғор тикувчи Муҳтасар Чўлпонова (ўнгда), экспедитор Салоҳиддин Сафаров маҳсулотларни жўнатишга тайёрламоқдалар.

Т. МАҲКАМОВ олган сурат.

БИТИМЛАР ИЖРОСИГА БАҒИШЛАБ

НАВОИЙ вилояти давлат муассасалари ва жамоат хизмати кўрсатиш ходимлари қасаба уюшмалари қўмитасининг мажлиси бўлиб ўтди. Шу тармоқ қасаба уюшмалари қўмитаси раиси Ш. Халиловнинг "Бозор иқтисодиёти шароитида меҳнаткашларни ижтимоий ҳимоялашда қасаба уюшмаларининг роли ҳамда вилоят ҳокимлигининг солиқ, молия, ижтимоий таъминот, давлат сугуртаси бошқармалари, вилоят марказий банки ҳамда "Навоийшартномасавдо" ишлаб чиқариш бирлашмаси билан вилоят қасаба уюшмалари қўмитаси ўртасида тузилган меҳнат битимларининг бажарилиши тўғрисида"ги маърузаси тингланди.

Вилоят ижтимоий таъминот бошқармаси бошлиги С. Қўриловга аҳолининг кам таъминланган қатламларини ижтимоий ҳимоялашдаги хизматлари ва "Соғлом авлод учун" республика дастурини бажаришдаги фаолияти учун давлат муассасалари ва жамоат хизмати ходимлари қасаба уюшмаси Марказий Қўмитасининг фахрий ёрлиги ва пул мукофоти топширилди. Мажлисида давлат муассасалари ва жамоат хизмати ходимлари қасаба уюшмаси Марказий Қўмитаси раиси муовини Ш. Розиев, вилоят қасаба уюшмалари кенгаши раиси муовини Ш. Тўхтаев сўзга чиқдилар.

Ризо ХУДОЙҚУЛОВ, "Ишонч" мухбири.

ХАБАРЛАР МАҒЗИ



- ЎЗБЕКИСТОН Республикаси Президентининг Фармонида кўра адабиёт, санъат ва меъморчилик соҳасида 1994 йилги Алишер Навоий номидаги Ўзбекистон Республикаси Давлат мукофотида адабиёт соҳаси бўйича Абдулла Орипов, Шукрулло, Барот Бойқобилов, меъморчилик соҳасида Шароф Рашидович Рашидов (марҳум), Асадулла Ашрапович Хўжаев (марҳум), Евгений Григорьевич Розанов, Фарход Юсупович Турсунов, Хошимўжа Маҳаммадиев, Улаш Жалилов, Абдушукур Сатторов, Мусо Гуломов, халқаро ижодий ҳамкорлик соҳасида Аҳсан Ботурлар сазовор бўлдилар.
- ЎЗБЕКИСТОН Республи-

қаси Президенти Исро Каримов мамлакатимизга амалий таъриф билан келган Россия Федерацияси ташқи ишлар вазири Андрей Козиревни қабул қилди. Учрашувда икки мамлакат ўртасидаги иқтисодий, ҳарбий-техника, гуманитар соҳалардаги ҳамкорлик масалалари муҳокама қилинди.

• ЎЗБЕКИСТОН Республикаси Президенти "Ўзбекистон Республикаси Давлат мулкни бошқариш ва тадбиркорликни қўллаб-қуватлаш Давлат қўмитасини ташкил этиш тўғрисида" фармон чиқарди.

• МАРОКАШ подшоҳи Ҳасан II Республикада Президент Исро Каримовга самимий миннатдорчилик изҳор этилган мактуб йўллади.

• АЛИШЕР Навоий номидаги республика миллий боғида буюк шоир таваллуд топган кунининг 553 йиллигига бағишланган байрам тадбирлари ўтказилди. Илмий муассасаларда, кутубхона ва мактабларда анъанавий навоийхонлик кечалари бўлиб ўтди.

ФЕРМЕРЛИК БАРАКА КЕЛТИРМОҚДА

— УКА, фермер ҳаётини ёритишингизни эшитиб, жуда хурсанд бўлдим. Олдиндан ташаккуримни қандай изҳор этишга ожизман. Сиздан илтимосим битта. Ўзингиз кўриб, суҳбатимиз пайтида олган таассуротларингизни шундай ёзингки, Республикамиз Президенти И. Каримов фермерлик ҳаракати билан шахсан шуғулланаётганлигини, фермерларга ғамхўр бўлиб, улар оғирини енгил қилаётганлигининг маъносини оиламиз мисолида кўпчилик тушунсин, — деб қолди мен билан хайрлашиш чоғида суҳбатдошим, — Фермерлик ҳаракати йигитлик чоғида бўлганда турмуш тарзим ўзгача бўларди. Оиламда у ёки бу нарса етишмаслигига аллақачон барҳам бериларди, — деб сўзлаган Абдураззоқ аканинг мақтанишими ёки ғурурланишимкин? Унинг бундай одати бўлмаса керак.

Шу пайт хаёлимга жамоа хўжалигида 44 йил механизатор бўлиб ишлаган, кўп марта 350-400 килограммдан пилла топшириш режасини уддаласам, машинали бўлиб қоламан деб ваъдасини унутиб кетадиган раҳбарларга алданган ҳикоямиз қахрамони "мақтаниш ва ғурурланиш" ўзига эп билмайди. Боягина Абдураззоқ аканинг гап орасида фермерлик ҳақида телевидениеда бериладиган кўрсатувларни кўриб, радио эшиттиришларни тинглаш, бу эшиттиришларда қиёслаш йўқлиги, фермерлик ҳаракатининг моҳияти очилмай қолаётганлиги ҳақида куйиниб гапирганлиги ёдимга тушди.

ҲАВО исиб, қир-адирлар кўм-кўк либосга бурканган кўклам кунларининг бирида Абдураззоқ акани жамоа хўжалигининг раиси Омон Амиров йўқлаб қолди. Қисқа суҳбатда Абдураззоқ акага фермер бўлиб мол боқишни таклиф этди.

— Сиз уддалайсиз, мол олиб боқа бошласангиз, ўғилларингиз ҳам қараб турмайди, — деди раис Абдураззоқ акани кўп фарзандлигини ҳисобга олиб.

— Чет элларда фермер бўлишини кўп марта эшитганман. Лекин улар нима иш билан машғул бўлишини суриштирмаганман, — деб раисга қаради Абдураззоқ ака иккиланиб.

— Фермерлар қишлоқ хўжалик маҳсулотлари етиштириб, чорва моллари боқишади. Меҳнатининг роҳатини ўзлари кўришади. Сизни ҳам ўшаларга ўхшашингизни орзу қилаяпман. Бу билан раис муҳокама қилинаётган масалага яқун ясади.

Шу кунни Абдураззоқ ака фермер бўлишга рози бўлди. Эртаси кунни ҳужжатларни расмийлаштиришга киришишди. Фермерлик хўжалигини юритиш учун давлатдан 20 минг сўм қарз олди. Бозордан 8 бош сигир ва 2 та бия олди. Моллар учун зарур бўлган миқдордаги кўк масса билан хўжалик шартнома асосида таъминлай бошлади. Сутни олиб кетиш учун машина ажратилди. Биринчи йили Абдураззоқ ака 300 минг сўм (1991 йил пулидан) даромад қилди. Олинган даромадининг бир қисми хўжалиқдан масса сотиб олишга сарфланди. Транспорт харажатлари ҳам ферма учун ортиқча бўлди. Шунинг учун Абдураззоқ акада молларини ем-хашак билан таъминлайдиган миқдорда ерга эга бўлиш фикри пайдо бўлди. Бу ҳақда жамоа хўжалигининг раиси Омон Амировга гап солди.

— Бу фикрингиздан хурсандман. Шу гапни бошқа фермерларга ҳам айтиб кўринг, улар нима дейишаркин. Хашак билан ўзларини таъминлашга рози бўлишса, ҳар бирингизни эҳтиёжингиз учун ер ажратиб берамиз. Фермер хўжалигига эга бўлган Норбўта ака, Салтанат опалар билан учрашиб, шахсий ерга эга бўлиш ҳақида маслаҳатлашади. Улар ҳам еримиз бўлиши маҳсулот миқдорини кўпайтириб, сифатини яхшилайди, деган фикр изҳор этдилар. Бундан раис оғоҳ этилди. Шу кундан бошлаб хўжалик мутахассислари фермерлар учун экин майдони ажратиш билан машғул бўла бошладилар. Фермер Абдураззоқ акага 6 гектар ер ажратилди.

Экин майдонининг 3 гектарига беда, қолганига дон учун маккажўхори экиди. Уз ем-хашак базасига эга бўлгани учун молларни кўпайтирди. Энди Абдураззоқ ака 10 бош соғин сигир, 5 бош новвос ва 7 бош ғунажинни боқа бошлади. Ғўшга топширилганда фермер

боққан новвослар 2 минг 170 килограмм тош босди. Бу режадагидан 688 килограмм кўпдир. Жамоа хўжалиги билан тузилган шартномада 11 минг 700 килограмм сут топшириш мўлжалланганди. Соғин сигирларга сифатли озуқа берилганлиги ўз самарасини кўрсатди. Давлатга жами 15 тонна сут топширилди.

Лекин бунга осонликча эришилмади. Орада дилхираллик ҳам бўлиб ўтди. Шартномага кўра 6 гектар майдон Абдураззоқ аканинг фермер хўжалиги учун 10 йилга бириктирилганди. Шу боисдан ерга маҳаллий ўғит солиб, тупроқ структурасини яхшилади.

Ўғиллари Ўткир, Шавкат, Шуҳрат, Уктамлар жамоа хўжалигида механизатор бўлиб ишлашади. Уларнинг биронтаси молга қараш, бедадан ўриб-йиғиш ва маккажўхорини парваришлаш вақтида ишни "сансолар" қилишмайди. Оталарининг ёнида бўлишади. Шу боисдан бу йил бедани беш-олти марта ўриб олишди. Маккажўхори Абдураззоқ ака мўлжаллаганидан кўп ҳосил берди. Олмалиқда қурилиш ташкилотиде ишлайдиган ўғли Сафар молхонани кенгайтиришга ўз ҳиссасини қўшмоқда. У қурилиш материаллари топиб келтирмоқда. Абдураззоқ ака молни ўсиши ва семиришига зарур бўлган шароитни яратиш учун оғилхонани кенгайтирмоқда. Ўтган йили моллари кўпайгач шошилинич ҳолатда 180 квадрат метрлик оғилхона қўрганди. Бу йил янги молхона қуришни бошлаб юборди.

Фермерликда орттирган даромади яхшиликка буюрмоқда. Яқинда тўй қилиб, келин туширди. Шу кеча-кундузда умр йўлдоши Рисбуви опа, қизи Шаҳлолар 10 бош сигирни соғиб сутини давлатга топширмоқда. Икки ҳайит арафасида уч бош новвос сўйиб, қишлоқ аҳолисига бозордагидан арзон нархда сотди. Ҳозирги вақтда беш бош новвос бўрдоқига боқилмоқда. Бу сўқимлар ғўшт учун давлатга топширилади. Энди бола бериш арафасида турган моллари 8 бошни ташкил этади. Бунга 7 та оти ҳам қўшилса Абдураззоқ аканинг уч йилда эришган ютуғи маълум бўлади. Фермер моли кўпайгач, қаерда боқиш ҳақида изланди. Раиснинг маслаҳати билан хўжалиқнинг тоғдаги фойдаланилмаётган яйловига олиб чиқди. Бундан икки ўрим бедаси қишга тежалди. Бу орада транспорт трактори сотиб олди. Бедани ўриб бир йўла майдалайдиган "Қир — 1,5" механизмин таъмирлаб ўз ҳисобига ўтказди. Маккани майдалайдиган тегирмон кўрди. Ҳа, фермер бўлишга астойдил бел боғлаган Абдураззоқ ака тўпланган даромадни маълум қисмини мол боқиш жараёнида зарур бўладиган механизмларни сошла олишга сарфламоқда.

— Мен ўз тажрибамда фермерлар кўпайса эл-улусда арзончилик бўлишига ишонч ҳосил қилдим. Меҳнатининг роҳатини кўрган ҳар қандай фермер маҳсулотни кўпайтиришдан баҳраманд. Шунинг учун боқимидаги моллар зотини яхшилаб, маҳсулдорлигини ошириш пайида бўлаверади.

Ғаффор Азаматов номидаги жамоа хўжалигида ҳайдов тракторларида механик бўлиб ишлайдиган Ботир отасининг ҳалол меҳнат эвазига орттираётган даромадларини ўзига хомчўт қилиб кўриб, фермер бўлишга қизиқиб қолди. У чўчқа боқиш ҳақида жамоа хўжалиқининг раиси Омон Амировга гап солди. Қишлоқда чўчқа боқиш учун шароит йўқлигини ҳисобга олиб ўрдак, ғоз боқадиган фермер бўлишни маслаҳат берди. Бунинг учун қулай шароити бўлган табиий кўл кўрсатди. Шу кунларда Ботир отаси каби фермер бўлишга тараддуд кўрмоқда. Бу оила 2 гектар майдонга соли экиб, режадан кўп олинган ҳосил эвазига оморини ҳам ғаллага тўлдирди.

Республикамизда фермерлик ҳаракати Абдураззоқ ака Нишонов оиласи учун ташкил этилгандек. Хонадонда ҳеч ким бўш турмайди. Ёшлигидан фойдали меҳнат билан шуғулланади. Бу хонадонда бўлганимда фермерлик ҳаракати халқимиз учун зарур бўлган маҳсулотларни кўплаб еттиштириш манбаи бўлиш билан бирга қишлоқларда одамларни иш билан таъминлаш омили бўлишига ҳам ишонч ҳосил қилдим.

Саидазим ШАРОФҲОНОВ
"Ишонч" мухбири.

МУҲТАРАМ ЮРТДОШЛАР, ЭШИТМАДИМ ДЕМАНГЛАР!



Ўзбекистон республикаси "Наврўз" ва "Маҳалла" жамғармалари томонидан чиқарилган ўн марта ўйналадиган пул-ютуқли телевизион хайрия лотереясини сотиб олингиз!

Чиптанинг баҳоси 200 сўм. Ушбу лотерея ўйинида қуйидаги ютуқлар бор.

50 та 10,0 млн.сўмлик,	250 та 250 минг сўмлик
50 та 5,0 млн.сўмлик,	250 та 100 минг сўмлик
75 та 1,0 млн.сўмлик,	500 та 50 минг сўмлик ва
125 та 500 минг сўмлик,	500 та 50 минг сўмлик ҳоказо.

1,0, 5,0 ва 10,0 млн. сўмлик ютуқ чиққан лотерея чиптанинг эгалари "Наврўз" хайрия жамғармаси орқали енгил машина, уй-рўзгор буюмлари ва радиоаппаратураларини сотиб олишлари мумкин.

Хайрия лотереяларининг тиражи 1994 йил давомида 10 маротаба, ҳар ойнинг 15-кунда ўтказилади. Ҳар бир тиражда 200 миллион сўмлик ёки 270 мингта ютуқ ўйналади ва ютуқларнинг умумий миқдори 2 миллиард сўмдан ошади.

200 сўмлик 1 дон лотерея чиптаси йил давомида Сизнинг ҳамроҳингиз бўлади. Хайрия чиптаси доимо қалбингизда умид уйғотади.

У пулдан қадрли ва заёмдан қудратлироқдир. Кўп марта ўйналадиган хайрия лотереяси ҳеч қачон бизнинг Ватанимизда ёхуд МДХ мамлакатларида чиқарилган эмас.

Лотереядан тушган маблағнинг учдан бир қисми ҳаста дилларга малҳам бўлади. Миллий қадриятларимиз ривожига, маҳаллаларимиз ободончилигига сарфланади.

Хайрия лотереяси — Сизнинг оилангизга, қўшнилариңгизга маҳалла ва улуг Ватанимизга инъом этган саховатингиздир.

ОМАД СИЗГА ЁР БЎЛСИН!

Хурматли "Ишонч", Наманган вилоятининг "Мингбулоқ" нефти, ҳозир у ерда нима бўлаётганлиги ҳақида батафсилроқ маълумот берсангиз?

Шермат АЛИМАТОВ,
Андижон вилояти, Шахрихон туманидаги "Шерқўрғон"
жамоа хўжалигининг аъзоси.

Ш. Алиматовнинг ушбу мактубига жавоб қайтариш учун вилоят мухбиримиз нефть қонида бўлди ва "Мингбулоқнефть" корхонасининг бошлиғи А. Умаров билан суҳбатлашди.

— Наманган вилояти марказидан унча узоқ бўлмаган Сирдарёнинг чап соҳилидаги заминдан катта босим билан отилиб чиққан бойлик кечагидек эсимизда. Кудукни жиловлаш мақсадида минорани йиқитиш чоғи ёнги чиққан тахликали дамлар ҳам хотирамиздан кўтарилмаган.

— Ҳақиқатан ҳам бундай ҳажмда нефть топилиши ҳар кун бўладиган янгилик эмас. Ўзбекистонни нефть тақчиллиги орқали гапимизга киритамиз, дея умид қилган айрим "шоввозлар" ҳам бу хушxabарни эшитиб популари пасайиб қолди. Негаки, биттагина кудукнинг ўзидан бир кеча-кундузда бир-неча минг тоннагача маҳсулот чиқиши камданкам рўй берадиган ҳодиса эди. Шу боисдан ўша палла дунё оммавий ахборот воситаларининг эътибори бизга қаратилди. Мамлакатимиз раҳбарлари, бу соҳанинг таниқли мутахассислари ташриф буюришди. Кудукни жиловлаш, ёнгини ўчириш, бойликни ишга солиш юзасидан ўз фикр-мулоҳазаларини билдирдилар.

— Водийнинг кўп жойларида нефть минораларини учратамиз. Албатта, бундай ишлар қандайдир илмий асосларга мувофиқ олиб борилади. "Мингбулоқ" майдонидаги ҳодиса кутилмаган янгиликми?

— Йўқ, "Мингбулоқ" майдонида жойлашган 5-рақамли кудукдан неогон даврининг қизилгишт қатламидаги 5237 газ чуқурликдан нефть фавворасининг отилиб чиққанлиги Фаргона водийсида геологик нуқта-назардан тўла ўрганилмаган "қора олтин" захиралари ва майдонлари бор эканлигига оид тахминларни тасдиқлади холос. Бунга қадар вилоятда ҳаммаси бўлиб геологик 17 та майдонда кидирув ишлари олиб борилган, булардан энг самаралиси еки маҳсулдорлиги "Наманган" (Чортоқ туманида ўрнашган)

бўлиб, 1966 йилда қазилган кудуклардан бир кеча-кундузда бир неча юз тоннагача нефть фаввораси отилган.

Бу йил мазкур худудда кидирув-пармалаш ишларини кенгайтириш учун "Сарвак", "Чуст", "Поп", "Косонсой", шунингдек истиқболли ҳисобланаётган "Редак" ва "Ҳаққулобод" майдонларида геологик кидирувни авж олдиришмоқдамиз.

— Куч билан отилиб чиққан нефть фавворасининг тўсатдан "жимиб" қолиши сабаби нимада?

— Кудукнинг кўзи очилгач бир ой ичи нефть фаввораси отилиб турганлиги ва ёнги чиккач ҳам бу жараённинг давом этиши туфайли ер остида бўшлиқ ҳосил бўлганлигини батафсил таърифлашга ҳожат бўлмаса керак. Оқибатда турли жинслардан иборат ҳоссалар ҳали жиловланмаган нефть йўлига ўпирилиб тушиб, унинг "кўзи"ни тўсиб қўйди.

Ҳозир майдонда 4 та ниҳоятда чуқур кудуклар қазилляпти. Улар орасида 222-кудук, айниқса, диққат-эътиборимизда. Ҳозир чуқурлиги 4800 газга етди. Иш-ни Волгоград шахридан келган бургуловчилар бажаришмоқда. Кавлаш ва монтаж ишларида АҚШ, Япония Хитой ва бошқа хорижий давлатлардан келтирилган ускуналардан фойдаланилмоқда.

— Мени бир нарса хайратга солади. Ўзингиз айтганингиздек, 4 та кудук пармаланяпти. Дастлабкилари 1-, 2-, 3-, деб юритилади. Лекин тўртинчисига келганда бирданига "222" рақамини қўллаяпсиз. Гўёки шунча кудук бордек...

— Бу саволни берган ёлғиз сиз эмас. Бу ном асли маъжозий маънода. Эътибор қилган бўлсангиз, "Мингбулоқ" майдонидаги нефть билан боғлиқ воқеалардан уч бора ойларнинг иккинчи числоси қайтариляпти. Чунончи, 2 март кун нефть фаввораси отилди, 2 апрелда ёнги чикди. 2 майда эса олов ўчирилди. Шу боисдан уч бор қайтарилган "2" рақами асосий кудук унвонига айлантирилди.

— Бунақа маъжозийлик ягона эмас шекилли? Конга берилган ном ҳам галати. Ахир, на вилоятда, на Задарё

тумани худудида "Мингбулоқ" деб аталувчи бирон бир қишлоқ йўқ. "Мингбулоқ" жамоа хўжалиги эса қўшни Андижон вилоятининг Комсомолобод туманидаку!?

— Бунинг изоҳи бошқачароқ. Олдинлари нефтьга боғлиқ юмушлар билан Фаргона нефть бошқармаси шугулланарди. Бошқарма режасига кўра сиз тилга олган Мингбулоқ худудида геологик-қидирув ишларига киришилган, сўнгра кон чегарасидаги Довдук қишлоғига келиб тўхтаганмиз ва ҳозирда иш олиб борилаётган нуқтага минора ўрнатилган. Иш энг аввал Мингбулоқдан бошланганлиги боис шу ном хужжатларда расмийлашиб қолган. Қолаверса, "Мингбулоқ" нефть фавворасининг отилиши муносабати билан ташкил топган корхонамиз фаолияти Наманган вилояти худуди билангина чекланмайди, қўшни вилоятлар ва минтақалар заминидagi "қора олтин" захираларини ҳам излаб топиш ҳамда ишга солиш билан машғул бўлади.

— Конни ишга тушириш ва бу соҳа меҳнатчиларига яратилаётган шароит тўғрисида ҳам тўхталиб ўтсангиз.

— Ўзбекистонимизни ёнги захиралари билан ўзини ўзи таъминлашга эришиш, 1995 йилга бориб, республика бўйича нефть ва нефть конденсати қазиб чиқариш ҳажмини 8 миллион тоннага етказиш вазифаси Президентимиз Ислоҳ Абдуганиевич Каримов томонидан белгиланган. Шу вазифани уйдлашга ўз ҳиссасини қўшишни эзгу ниёт деб билган 4000 кишилик жамоамиз шу йилнинг ўзидагина кўплаб "қора олтин" ишлаб чиқаришга бел боғлаган. 222-кудукқа шлейф ва иккита технологик сув учун мослама қурилиши давом этаяпти. Яқин кунлар ичи бу иш ниҳоясига етади. Нефтьдан "йўлдош" газни ажратиш олиш учун механизмлар ўрнатиш тугал-ланади. Ҳозиргача кон ишчи-хизматчиларига ётоқхоналар, маъмурий бинолар қурилди. 1994 йилда ишлаб чиқариш, турар жой, маданий-маиший бинолар тиклаш учун етарли маблағ ажратилган эди. Яна шунга ҳам таъкидлаб қўйишни истардимки, "Мингбулоқ"нинг истиқболи порлоқ. Унинг серқуёш ва келажаги буюк юртимиз халқ хўжалиги тараққиети, фуқароларнинг бахт-саодати учун хизмат қилади.

Суҳбатдош: Обиджон
ЖУМАНАЗАРОВ.

"Ишонч"да ўтган йили рўзада саҳарлик ва ифторлик вақтларининг жадвали берилган эди. Бундан жуда кўпчилик фойдаланганди. Сизлардан илтимос, бу йил ҳам саҳарлик ва ифторлик вақтлари жадвалини эълон қилсангиз.

Азиз ХЎЖАЕВ,
Тошкент шаҳри.

МУБОРАК РАМАЗОН ОЙИНИНГ ТАҚВИМИ

1414 йил ҳижрий 1994 йил милодий
саҳарлик ва ифторлик вақтлари (Тошкент вақти билан)

Февраль-март ойлари	Ҳафта кунлари	Рамазон ойи	Саҳарлик соатгача	Ифторлик соатдан
11	Жума	1	5-44	17-51
12	Шанба	2	5-42	17-52
13	Якшанба	3	5-41	17-53
14	Душанба	4	5-40	17-54
15	Сешанба	5	5-38	17-56
16	Чоршанба	6	5-37	17-57
17	Пайшанба	7	5-36	17-57
18	Жума	8	5-34	17-58
19	Шанба	9	5-33	17-59
20	Якшанба	10	5-32	18-01
21	Душанба	11	5-30	18-03
22	Сешанба	12	5-29	18-05
23	Чоршанба	13	5-27	18-06
24	Пайшанба	14	5-26	18-07
25	Жума	15	5-24	18-08
26	Шанба	16	5-23	18-09
27	Якшанба	17	5-22	18-10
28	Душанба	18	5-20	18-11
1	Сешанба	19	5-19	18-12
2	Чоршанба	20	5-19	18-14
3	Пайшанба	21	5-17	18-15
4	Жума	22	5-15	18-17
5	Шанба	23	5-12	18-19
6	Якшанба	24	5-10	18-20
7	Душанба	25	5-08	18-21
8	Сешанба	26	5-06	18-22
9	Чоршанба	27	5-04	18-23
10	Пайшанба	28	5-03	18-24
11	Жума	29	5-01	18-26
12	Шанба	30	5-00	18-27

Саволга Ўзбекистон қасаба уюшмалари
Федерацияси кенгаши бўлими мудирини Ҳамидулла
Пиримқулов жавоб беради:

Икки ҳафталик ўртача иш ҳақи миқдоридан ишдан
бўшатиш нафақаси қандай тарзда амалга
оширилади?

С. ЁҚУБОВА,
Тошкент вилояти.

Меҳнат ҳақидаги ёки меҳнатни туб қонунлар мажмуасининг 49-шароитлари ўзгариши моддасида кўрсатилишича натижасида янги шароитда қуйидаги асос ва ишлашдан бош тортганлиги сабабларга кўра меҳнат муносабати билан (36-шартномаси (контракт) модда, 6-банди); бекор қилинаётганда в) Ходимни малакаси ходимга камида икки етишмаслиги туфайли ҳафталик ўртача иш ҳақи бажариб турган вазифасига миқдоридан ишдан бўшатиш нолойиклиги ёки шу ишни нафақаси тўланади: бажаришига йўл қўй- а) Ходимни ҳарбий майдиган даражада сало-хизматга қақрилиши матлиги ёмонлашганини муносабати билан (36-модда аниқланиши (41-модда 2-3-банди); банди) натижасида; б) Ходимни корхона, г) аввалги вазифасига ташкилот, муассаса билан қайта тикланиши бирга бошқа жойга ўтишдан муносабати билан.

• Саҳифани қасаба уюшмалари ва мухбирлар билан
ишлар бўлими тайёрлади.

